

Baaritaanka kaadihaysta ilmaha oo lagu sameeyo raajo qaadis loo adeegsado maaddo si fiican u soo saarta barta la sawiraayo, ee isbitaalka cusub ee carruurta

Lapsen virtsarakon varjoainekuvauus Uudessa lastensairaalassa

Baaritaanka kaadihaysta ilmaha ee lagu sameeyo raajo qaadista loo adeegsado maaddada sida fiican u soo saaraysa barta la sawiraayo, waxaa lagu baarayaa tusaale ahaan shaqada iyo qaabdhismeedka kaadihaysta iyo kaadimareenka.

Inta baaritaanku socdo waxaa la sawirayaa agagaarka miskaha, iyadoo la adeegsanaayo qalabka raajada.

Baaritaankaan waxaa sidoo kale lagu magacaabaa (miktiokystografia).

Fadlan waxaad baaritaanka ugu soo talaggashaa wakhti dhan illaa 2 saacadood. Sida badan baaritaanku wuxuu qaataa 30–60 daqiiqo.

Ilmaha u baahan baaritaanka degdegga ah waxaa laga yaabaa in baaritaanka lagu sameeyo kahor ilmahaaga.

Waraqdda hagista ama tilmaanbixinta ee imaanshaha waxaa ku qoran dhammaan macluumaadka ku saabsan halkii aad la soo xiriiri lahayd, haddii aad qabto wax su'aalo ah oo ku saabsan baaritaanka.

Baaritaanka kahor

Si looga hortago in ilmuhu uu qaado caabuqa kaadimareenka, dhakhtarka ilmaha daryeelaya ee soo qoray warqadda dirista baaritaanka ayaa ilmaha u qoraaya daawo antibiyootig ah baaritaanka kahor.

Dhakhtarka ilmaha daryeelaya ayaa sidoo kale ku siinaaya hakis ama tilmaanbixin ku saabsan sida daawada loo qaato.

Haddii aadan helin hagista ama tilmaanbixinta ku saabsan daawada, waxaad maalinka baaritaanka ka horreeya soo wacdaa waaxda ama qaybta baaritaanka u soo dirtay ilmahaaga

Haddii Ilmahaagu uu qaato daawo antibiyootig joogto ah oo looga hortagaayo caabuqa kaadimareenka, taasoo loola jeedo daawada kahortagga (estolääkitys), u sii daawada sidii caadiga ahayd.

Laga bilaabo subaxnimada maalinka baaritaanka, laba goor maalinkii, subaxdii iyo fiidkii.

- subaxdii iyo fiidkii, wadarta guud muddo saddex maalmood ah, taasoo loola jeedo maalinka baaritaanka iyo laba maalmood oo ka dambeeya baaritaanka.

Qiyaasta daawada ee subaxdii iyo qiyaasta fiidkii, waa isla qiyaastii hore loo siin jiray.

Waxaa muhiim ah, in ilmuhu uu qaatay antibiyootiga subaxnimada maalinka baaritaanka.

Haddii aan ilmaha la siinin daawada, baaritaanka lama samayn karo.

Inta lagu guda jiro Baaritaanka

Inta uu baaritaanku socdo waxaa ilmaha la seexinayaa miiska baaritaanka.

Dhakhtarku wuxuu ilmaha gelinayaa tuubo dhuuban oo loo yaqaan kaatiitar, taasoo iyadoo loo maraayo kaadimareenka la gaarsiin doono illaa kaadihaysta. Marka la gelinaayo kaatiitarka waxaa la isticmaalaa jeel ama kareem kabuubyayo leh oo fududeynaaya katiitar gelinta kaadihaysta.

Iyadoo loo marinaayo dhanka katiitarka ayaa waxaa kaadihaysta laga buuxinayaa maaddo si fiican u soo saarta barta la sawiraayo (varjoaine). Dhakhtarku wuxuu qaadayaa sawirro raajo ah inta lagu jiro buuxinta kaadihaysta iyo marka ilmuhu kaadinaayo.

Marka sawir qaadistu dhammaato, katiitarka waa laga saarayaa.

Baaritaanka kaddib

Dhakhtarka ilmahaaga daryeelaya ayaad ka heli doontaa jawaabaha baaritaanka.

Haddii aadan garanayn sida aad u heli karto jawaabaha, weydii qaybta ama waaxda u soo dirtay ilmaha in baaritaanka lagu sameeyo.

Dhakhtarka daryeelaya ilmaha waxaa uu sidoo kale ku siinayaa hagista ama tilmaanbixinta ku saabsan haddii loo baahdo in daawada antibiyootiga ah ah la sii wado.

Waxyaabaha kale ee muhiimka ah

Hore u soo qaad kaarka Kela-da ama kaarka aqoonsiga ee ilmaha.

Hal qof oo weyn ayaa ilmaha la joogi kara inta baaritaanka lagu guda jiro. Haweeneyda uurka leh ama looga shakisan yahay in ay uur leedahay ma geli karto qolka sawirka.

Ma jirto wax kharash gooni ah oo ka imanaaya dhanka baaritaanka.

Haddii aadan iman karin, fadlan iska baaji ama iska kansal wakhtiga ballanta.